


Hngakchia caah Bible

Achuahtu

Minung
ngaihchiat hram
aa thoknak



Attial tu: Edward hughes

Hrilhfiang tu: Byron Unger; Lazarus
Alastair Paterson

A hmangtu: M. Maillot; Tammy S.

Alettu: Hre Ling

Achhuah tu: Bible for Children
www.M1914.org


©2020 Bible for Children, Inc.

Lisen: Hi tuanbia hi Zawr awk si lo in hman awk ah copy
le print tuah khawh a si.



PATHIAN NIH ZEIZONG VIALTE
A SER DIH HNA! Pathiannah mipa
hmasa bik a ser tik ah, amah cu a nupi
Eve he Eden dum chungah an rak um.

Lunglawm ngaingai in an
rak nung i, Pathian nawl
an rak ngai i, Pahtian
he umtti kha
an rak duh
ngaingai.
Nikhat
cu...





“Pathian nih dum chung thingkung thei paoh hi nan ei lai lo an ti hna maw?”, tiah rul nih Eve kha a hal. “Pakhatte dah ti lo cu kan ei khawh dih ko,” tiah Eve nih a leh. “Kan tongh le kan ei ahcun kan thi lai”, tiah a ti. “Nan thi lai lo”, tiah rul nih cun zeirel lo ngaiin a ti.





“Pathian nan lo lai”,
a ti. Eve nih cun
thingthei cu ei a
duh. Rul chimmi
bia kha a ngaih i
thei cu a ei.

Eve nih Pathian bia a al hnuah
Adam zong kha thei cu a eiter
ve. Adam nih hitihin a rak ti
awk a si, "Asilo! Pathian bia
cu ka al lai lo."





Adam le Eve nih an rak soal tikah,
taklawng in an um kha an hun i hngal.
Theipi hna kha an tthit i anmah tein an i
hup i, Pahtian sinin burbuk chungah an i thup.



Zanlei ninem ah Pathian cu dum chungah cun a ra. Adam le Eve nih an rak tuahmi kha a hngalh. Adam nih Eve kha a mawhchiat. Eve nih rul kha a mawhchiat. Pathian nih hitihin a chimh, "Rul cu chiatserh a si. Minu nih nau a ngeih tikah nauganfahnak a in lai".



“Adam, na sual ruangah, vawlei
cu hling le thahau in chiatserh
a si. Na nunnak ding rawl hmuh
awkah thlanhripi pawtin na
kawlhawl a hau lai”, a ti.



Adam le Eve cu Pathian nih
khuaruaharmi dum cun a
tthawl hna. An rak sual
ruangah, nunnak petu
Pathian he an
rak i tthen!





Pathian nih dum
chung lut kho lodingin mei vainam
in a congh hna. Pathian nih
Adam le Eve cu saphaw angki
a serpiak hna. Pathian
nih saphaw cu
khuazei in dah
a lak hnga?




A caan a zaat tikah, Adam le Eve cu chungkhar an hung si. An fapa hmasabik Kain cu dum tuahtu a rak si. An fapa pahnihnak Abel cu tukhaltu a rak si.




Nikhat cu, Kain nih anhringso kha Pathian caah
laksawng ah a rak put. Abel zong nih a tuulakin a
thau bik mi kha Pathian caah laksawngah a rak put
ve. Pathian cu Abel laksawng
cungah a lung
a tling.




Pathian cu Kain laksawng cungah
a lung a tling lo. Kain cu a thin
a hung ngaingai. Sihmanhselaw
Pahtian nih, "Na tuahmi hi
dikse law, cohlan na si ko
hnga lo maw?" a ti.



Kain cu a thinhun a dam kho
lo. A hnuah, lo chungah Abel
cu a tuk i a thah!




Pathian nih Kain sinah hitihin a ti. "Na naupa Abel, khuazei ah dah a si?" Kain nih cun, "Ka hngal lo", tiah lih a rak chim. "Ka nau cawngtu maw ka si?" tiah a ti. Pathian nih Kain cu dan a tat i, a lo tuah thiamnak kha a chuh i, mi vakvai ah a canter.



Kain cu Bawipa mit hmuhnak in
a zaam. Kain nih Adam le Eve an
fanu kha nupi ah a tthit. Cuticun,
innchungkhar an derh ve.



A rauh hlanah, Kain nih a sermi
khuapi cu Amah tule le a tuchin
hna nih an hun khah ter zau ko.



Cu lioah cun, Adam le Eve innchungkhar
hna cu khulrang ngai in an karh. Cu
caan lioah cun, minung cu atu nakin
sau deuhpi an rak nung.



Afapa Seth a hrin tikah Eve nih hitihin a ti, "Pathian nih Abel airawltu dingah Seth a ka pek", a ti. Seth cu Pathian a duh ngaingaimi a si i, kum 912 a nung i, fa zong tampi a ngeih hna.



Vawlei cungah hin, minung cu
chankhat hnu chankhat in an sual
chin lengmang. A dongh nak ah
cun Pathiannah minung kha
hrawk dingin biakhiahnak
a rak tuah ...




... Saram vialte le va vialte zong
hrawk dingin a khaan. Pahtian
nih minung a rak ser kha aa
ngaihchih tuk. Sihmanhselaw
mipa pakhat nih Pathian
lung a rak ton.



Cu mipa cu Noah a rak si.
Noah cu Seth hrinthlak a si
bantukin midingfel le soisel
awk um lomi a si. Pathian he
a tlongleng ttimi a si.



Noah nih cun, a fale pathum zong kha
Pathian nawlzul dingin a rak cawnpiak
hna. Atu cu, Pathian nih Noah
kha phundang ngaingai
in hman a timh!



Minung ngaihchiat hram aa thoknak:

Pathian bia ah kan hmuh mi tuanbia hi, Bible,

chung ta a si

Genesis 3-6

"Na bia thiang nih ceunak a pek."

Salm 119:1330



Adonghnak



Hi Bible tuanbia nih, khuaruahhar a si mi, a kan ser tu Pathian kha hngalh ter a kan duh. Pathian cu thil ttha lo kan tuah mi kha a hngalh, a ttha lo mi tuah cu sualnak a si. Sualnak man cu thihnak a si. Sihmanhsehlaw, Pathian nih a kan dawt tuk caah Afapa ngeihchun Zesuh Krih a kan pek i, kan mah aiawh in vailam cung ah a thi. Cu hnu ah thihnak in a tho tthan i, van cung ah a kal! Zisuh Krih kha na zumh i, na sualnak kha na ngaihchih ah cun an ngaihthiam ko lai! Na sin ah a ra lai i, nan um tti lai. A mah he zungzal nan um tti lai. Na sualnak kha kal tak na duh ah cun, hitihin Pathian sin ah thlacam: Dawt tu Pathian, Zesuh Krih cu ka caah a thi i, a tho tthan cang. Maw Bawipa, ka sin ah ra law ka sualnak viatle kha ka ngaihthiam ko. Maw Bawipa, zungzal nunnak ka ngei i na sin ah zungzal ka um nak hnga, ka sin ah ra law, ka sualnak kha ka ngaih thiam ko. Na fapa bantuk in ka nun khawhnak hnga ka bawmh ko. Amen.

Nifatin Bible rel law Pathian he i chawn uh. Johan 3:16

